

E-8


863

ΕΚΔΟΤΙΚΗ „ΚΟΜΥΝΙΣΤΗΣ“

Δ. ΕΡΙΣΤΕΑ

**ΤΑ ΓΡΑΜΜΑΤΑ ΤΙ ΘΙΑΜ ΤΙ ΣΟΦΙΑΣ
ΣΟΝ ΑΝΕΠΣΙΟΝΑΤΣ
ΤΟΝ ΑΡΧΟΝΤΣΟΓΛΙ**

ΕΛΛΗΝΙΚΟ ΕΚΔΟΤΙΚΟ
„ΚΟΜΥΝΙΣΤΗΣ“
Ροστόβ-Ντον 1930



E-8

863

Δ. ΕΡΙΣΤΕΑ

ΤΑ ΓΡΑΜΜΑΤΑ ΤΙ ΘΙΑΜ ΤΙ ΣΟΦΙΑΣ
ΣΟΝ ΑΝΕΠΣΙΟΝΑΤΣ
ΤΟΝ ΑΡΧΟΝΤΣΟΓΛΙ

Г.П.Б-ка обяз. экз.
Лигр. 1930 г.
Акт № 4-1362

ΕΛΛΗΝΙΚΟ ΕΚΔΟΤΙΚΟ
„ΚΟΜΥΝΙΣΤΗΣ“
Ροστόβ-Ντον 1930

„Письма из Греции“.

Ростов-дон. Тип. греческого из-ва „Коммунистис“ зак. 131

Крайлит № А 48-8

разм. А5—125x176

тир. 3000

ΓΡΑΜΜΗ ΠΡΩΤΗ

Τύμπα (Ελλάδα) 25 Καλανταρι 1928

Τον θίο-ς πεί τον Κονσταντιν ασ εφτάι το σταθρόν-ατ
κε έρτε αδακες.

Ατυ, πυλι-μ, ι μπολσεβικ θα τρόνε τον θεόν-ατ
θα βάλν-ατον κι απες.

Ας έρτε κε ι Δεσπινι κε ολ ι γιτονάδες
πέχνε πάτσκας τα τόλαρα, κορδίλια τα χρικα
να ζύνε άμον άνθροπι, να ζύνε άμον αγάδες,
Ακόμαν σιν ιπόλιπσιν το χρίμαν εν αδα!
Ελάτεν, κσάι μι στέκετεν, σο «άγιον το χόμαν»
τα παλεα κ εκάτσαν κα κ ι πίστ-πα ζι ακόμαν
κ ι Παναγία κ ι ο Χριστον κ ι άι ασ Εκκλησίας,
ασιν Τυρκίαν έφριγαν κε αλ ασα Ρυσίας
κι όλια-τυν έρθαν αδακες σα χόματα τ'Ελλάδας,
σα μετάνιας τα πόλικα, σα τρανα τα λαμπάδας.
Αδα ο Γιορτς τι Καζαντςι εγέντον με το χτίνον,
τρία κιφάλια πρόατα πίκεν ο Κονσταντίνον,
ο Θόδορον λασύμενον, κορίτια ι Θιμία,
εκς νοσακόπα ι Ανθι κε δόδεκα πυλία,
γαρχον εχτέθεν ι Πινι κε ι Συμέλα κριάρον
κι όσον εκίνον μυχτερον τ' Ανίτσας ο κυμπάρον.
Ακόμαν ο κυριάτνικον πυ ίχεν χιλιάδες

ατυχεσ σα πλαντάτσιας κοσάρας κε παπία,
πίρεν πυλόπα ασι γνωστus οθα σι γιτονάδες
κ εκάτσην κε ετράνινεν κ ες νοσακόπα τρία
κε ίναν πετινον.

Ολια τα κάλια τι θευ κε όλια τ εβλογίας,
πυλόπο-μ, ίν αδα.
κι άμον ντο λένε ι γιτον τ αμναδόπον τι θία-ς
αпу χρον θα γενα,

Ολ αδα εγένταν νικοκιρ σε χόμαν κε σο θίον
κε ικοκιρτς εγέντονε τι Παντελι ο θίον
με δύο στρέματα χοραφ κ έναν κοτσον λασύμενον,
άμον εκίνο ο Δεφτερτς π επύλτσην τον ιγύμενον
θαρο τι Συμελα.

Ιν όλια σιν ιπόλιπσιν κε τα γαιδίρια αδα.

Ιας κε χερετίζματα κε τον κερων μι χάνετε
κε μας-πα μι ανασπάλετεν.

Χερετά-σας ο ποπας, χερετα κ ι ποπαδία,
ι φαμίλια τ Αλέκσι, τι Πανίχα τα πεδία,
τι Δορέτσας ι Ελένε, ο Γιοργάκισ ο Τριφτίнос
κε ο διάσκαλον ο Κόστις σας ασπάζετε κ εκίνος.

Ολ ι φιλ κ ι γιτονία
κε ι θία-ς ι Σοφία.

ΓΡΑΜΜΗ ΔΕΦΤΕΡΟΝ

Τυμπα, 13 Κυντυρ, 1928.

Γράψ κ εροτας για τα καπνα κε νάρχεσε φοάσε
κε προς θ αφιντς το „τραπεζαν“ κε το „σαμπσον“ λιπάσε.
Νυνίς κε τι πλαντάτσιας τα τένκια κε τα δέματα,
φοάσε κ ιν για τα καпνα τεμέτερα τα στρέματα.

Μετ' αδα γίνταν τα καπνα κι οντες θαλτε κα τ ορία-ς
τα πιρπιρίμια γίνυνταν, λανκέβνε τ ανκυρόπα·
κε το κεπιν να έλεπες τι θία-ς τι Θιμίας
λαζύδια τα καρδόματα-τς κε στάσσια τα σκορδύπα.
Τα κρομίδια καφύλοσαν, τα πράσας-ατς σπαθία
κε τα φασύλια-τς δέντρα λες με φίλα κε κλαδιά.

Αδα τσουντύνας-μι κι θελτε, αδα κε τα κιντέατα
τεσον οκσιάζνε το καλπας, οκσιάζνε κε τα κρέατα·
Κι αν κ ίσε οκνέας, σο ρασσιν τοπλάεπσον στυπίτας,
τα λιτσανόπα-ς θάλον-κα, κσερία τα στρατίτας.
Με μιροδίας τιν σταρσσι-ς, άμον ντο θελτε εφτας,
μαλεξ φα κε κιντέατα σιν κάμασιν μι πας.
Ζατι αν πας σιν κάμασιν θα ίσε παλαλος,
εκίνα κσαν θα τρος.

Κι αν κ ιν κοσάρας πόλικα αδακες κε πυλία
κι ακριθα τα παπία.
με χίνας μις τρανίνομε, πυρνον θραδιν τα χίνας,
ατυκες πυ σο στόμα-νατ κε χτίπανεν κανίνας,
παν κ ιν άμον τεσέτερα με κρέας κε φτερα
κι αν ιν πικρα,
τον πσίχον κοφν άμον μασσερ κ εφτάνε τι γαρίδες
να χάνε τα πεδία-τυν χορις γιατρον, μαμίδες
κε χορις γιατρικα,
τα χίνας τα πικρα.

Πίσον κ έλα ο κόσμος όλον με τα χίνας αδα ζι
κε για απόκσιζιν παράδες σο γιατρον κανις κι δι.

Ας εμέναν ασο Γιάνεν, ασι Φοτινιν τι θία-ς,
χερετίας

ς όλτε τι φιλτε κε πατριότας, σόλτε τι φιλτε κε γιτονάδες,

χοριστα σιν Πελαγίαν κε ς Ελένες τι νιφάδες.
Κε τι νίφε-μ τιν Ανίτσαν — να λελέβι-ατεν ι θιάτ-ς—
φιλ σπιχτα σπιχτα πολόπορ, για τ εμέναν, ςα κατσία-τς.

ΓΡΑΜΜΑΝ ΤΡΙΤΟΝ

Τύμπα, 28 Κυντυρι, 1928.

Για τα σχολία εροτας.... φοάσε γιαμ τα γράματα
ελίφτασαν κι αδα,
γιαμ έρθανε ι μαλιαρι κε αδακες ςα πράματα
κε τα λέκσις εφίκανε τσάτσαλα κε γιμνα. . . .
Κςάι μι φοάσε, ελενικα επέμναν όπος πρότα
με τιν δασίαν, τιν ψιλιν, τυς τόνους τα διπλά
«αλέκτορ» εν ο πετινον κε «αλεκτορις» ι κότα
κ επέμναν ικοστέσερα τα γράματα αδα.
Χόμαν τρον κε κι λαλόνε αδακες ι μαλιαρι
„πάφσι“ εν πυλιμ ςι μέσιν, φιλακι κε εκσορία
κι αν εβρίυντανε κι όλα, πέντε δέκα παλαλι
με τι παλαλυσ το έργον έμπρ κι πάι κε ι δυλία.
Τι γλόσαν τι κιρύ-εμυν σπιχτα εμιν κρατόμε
σκοτούμες για τα άτονα, τα μακρα πολεμούμε . . .
Για τι δασίας το κιφαλ τρανον καχον εφτάμε
κε ςι ποπάδες αντικρι κε ςι διασκαλτς κι πάμε.

Τι Λοτ τα κατορθόματα τ' Αβρααμ τα δυλίας
κε τάλα τα ελενικα μαθίζνε ιστορίας
ςα σχολία αδακες.

Ακόμαν πως ο Ιακοβ επίασεν απες
τον αδελφόν-ατ τον Ισαβ, τον κίρν-ατ τον στραβον
με φάδατα μισόπσετα κε διό-ιμπς χρονον.
Ατυχες αν ενέσπαλαν τον Λοτ κε τον Τοβίαν
κ επσέφτινανε τον Χριστον κ εκλέντσαν τιν Μαρίαν.

αδα κε τ Ελισέονος τα θάματα μαθάνε.
 κε ταχτικά τ εκσέργατα σιν Εκλισίαν πάνε
 κ Ελινες ιν σπιχτι,
 σα γράματα, σ αλισσδερις, σιν πίστι, σιν προσεφχι:

Ἀδὰ ἐλεπς κε δεσποταντς, προσκινας κε τα σσέρια-τὺν
 κ' ἰ καλογερ κε ἰ γυμεν γράφνεσε σα τεφτέρια-τὺν
 κε με δύο δραχμας
 νεβζίνε τ αμαρτίας, να κρίματα ντ εφτας,
 κι αν αποθαντς ακόμηαν
 μ εφχας τι ποπαδίον λαφρα χίσε σο χόμαν.

GRAMAM TETAPTON

Τόρπα, 9 Μαρτι, 1928.

Θέλτε να μαθαντε αν έχουμε ναλόγια αδακες
για τ' αρχοντάδες μοναχον, για τ' οκσιπόλτους κσάι
κι αν εστράφια μόνον τι κυλακς ινσπέχτορας εφτάι;
Αίχον πυλι-μ νύμερον κι πάι ς',,Ελενας κες."
Ναλόγια' μισ κέχομε, έχουμε μόνον φόρους . . .
κε για τάτο εφόρους.

Κε ζύμε μίς κε ζυν ατιν κε ζι κ ι βασιλιά.

Κιρτς, μάνα κε πεδία.

Φτοχος, μεσέος, κε κυλακς άμον αδέρφια ζύμε
κι αλ με νεστίας τον θεον κι αλ με κρασιν ενύνε,
ενύνε κ εβλογύνε.

Ἰ χορετ ζύνε βασιλιάντ κε ι τσοπαν αγάδες
 κε τα φόρυς ι Κριτικι, πλερον' με τοναλμάδες
 κε ασιν καλοπέραςιν πυ ζυν σιν Θεσαλίαν*)

*) Εγώ φένοτε τις εκσέγερσες τον αγροτον ςτι Θεσαλία
 κε την Κρίτι.

εφταν ριλαλιτίρια τιν εδδομάδαν μίαν
 κ εφταν φοτοχισίας,
 με κόλας τι Φινοτελι διλαδι τ Εφορίας.
 Ι χορετ ζύνε βασιλιάντ κ ι πρόσφιγες ακόμαν
 αγάδες ολ εγέντανε ρο θίον κε το χόμαν.
 Αλ δυλέβνε ρα χόματα, άλι-ατυν ρα κεπία
 κε αλ άμον τον Τάταρον εχτέθαν κε γιαπία,
 έχτσαν κε μαγαζία,
 χανόπα κε φυρνία.
 Κάθουνταν κε ι ίδι κε τάλυσ πα καθίζνε
 κε ι ποπάδες αδακες θλογίζνε κε χτυπίζνε.
 Κ ι έκσιπνι κ ι προχομεν πέρν' αποξιμιόσις
 ας όλια ατιν τα δόσις
 κε με τ ομολογίας
 γιροκλόθνε δυλίας
 κε ζυν άμον αγάδες.
 Κε ι ρσοράδες, ι ρακατ, όσι κ' έχνε παράδες,
 τερυν το κιανόλεφκον τ Ελάδας τιν παντέραν
 κε ζυν με τον αέραν.

ГРАМАН ПЕМПТОН

Τόρπα, 28 Μαρτι, 1928.

Θα έγγραψα-ς-ατο θαρο κε ε εμπριζνα τα γράματα
τα μαγαζία αδακες γονκίζνε ασα πράματα.
Ντο θελ το πσιόπος όλια εβρίυν τα καλα,
κονιάκια, τσίπρα, τύζικα, γλικέρια κε κρασία
κε με την πσιν κορμία,
πυλύνταν κ εκίνα επίσιμα αδα.
Εβρίετε κε θύτορον, κάποτε ελέπς κε κρέας
κ' ι αρχοντάδες κάποτε τρον αδακες ελέας,
τρόνε κε φαφυλάδαν με δί-μερον πσομιν
κι ανχύρια κε τιριν!

Κι ακόμαν με ιπάλιλον εμπεν σα μαγαζία
κε πάχος αγοράζνε κ' ελαδ δέκα λεφτον,
όνταν τιχεν κε θολικα κάπος πάι ι δουλία
κε κρύν τον μυχτερον.

Κι αν κιν αδα τα πράματα για τ'εφτοχους, τ εργατς,
ο θεος να ελιατς.

Ζατι αργάτες τιναν λες άσπρον αν τρόι προμιν
κε χορις εκόρδον κε προμιν κε πράσας αν τρανιν
τιν κάμασιν θα ανασπαλ
κε το κιφαλ θα εκον,
θα πολεμα το καπιταλ,
θ ανασπαλ τον θεον

κε τον κόσμον πυλόπο-μ θ εφτάι ταπαν αφκα.
Κιν για τι δουλεφτάδες τ Εβρόπις τα καλα!

Για τι τρανος ο χορικον αν κι λαλι τα χόματα
κε ο εργατς αν κι κσιν σταμνία τα ιδρόματα,
το κράτος πως θα προοδεθ κε ι τρανι θα ζύνε
κ εμας θα κιθερνύνε;

Ο κιθερνίτες, τιναν λες, πρεπ να τρόι κε κιμάτε
κε αν γλυπίξ-μας κ ένα κσάι, ατο σεμας κι χάτε.
χορις δόλον κε κλεψίον.
κι κυρέφκετε χορίον

Χερετάζε ο Ποπαγιάνες
κε ας έρτε λεί ο Γιάνες,
ασιν ζίσιν μι φοάτε,
με τ εμας ατος κι χάτε.

Με τα δόλαρα αδα
εφτας όλτε ταπαν αφκα,
γίνεσε ομογενις
κι αγας ζις . . .

ΓΡΑΜΜΑΝ ΕΧΤΟΝ

Τύμπα, 10 Απριλι, 1928.

Αδα κι εν „στραχοθάνιας“ κε „πίρζιας“ για τ εργάτας
χορις να πλεροντε πρόστιμον κε ασφαλιστικά
πέρτε έντιναν το πεσιόπος ειρ, γομάτα εν τα στράτας
πρόσφιγας κε εντόπιος, γινεως κιάλο πολλα.

Κε καματίς αδα τ εργάτς, όσον ντο θελ το πεσιόπο-ς
δόδεκα όρας, δεκαέκς, ο θιος, πεδι-μ, κι πσίς-ς.

Κε νια φοάσε όπος ατυ, γιαμ θα πσιλια ο τόπο-ς
γιαμ ντο θ εβγάλτε ασα καπνα σα πένιας θα δις.

Τεργατίον το δυκαλ αδακες σπιχτα κρατούμε
κι άμον βασιλιάδες ζύμε.

Ασι „κόκινος“ φοάσε; Αδα όλτσατυν κυλίζνε,
γινεως κεφτάνε μυταραν, πεδιά κι χαρίζνε,
φταν μόνον ρεβολιούτσιαν ολίγον να μιρίζνε.

Κ ίλιαμ αν ίσε „κάπατςις“ είς στόμαν κε λαλις
ασον Βελέντσαν αν γλιτόντε, θα τρούι-σε ο Στρατις.
Ελα δα με τον Πανίκαν καπνυ φάπρικαν ν ανίς
κε με χίλια μανατόπα άμον άνθρωπος να ζις.

Ο Αλέκσις βοιθά-σας ασα νομς ατος κσερ
κι ο ποπας κρατί-σας σσερ.

Ελ αν ίσε γνωστικός,
οζν' ακόμαν εν κερσ
ι αργατ ατυ όπος πάνε
τα μιτόσσιλα-ς θαχπάνε.

Κόκινος = επαναστάτις. Καπατςις = Κομμουνιστις. Βελέν-
τςας = υπουργος τις Εργασίας. Στρατις = Γραματέας τις Γενικίς
Σινομοσπονδίας.

ΓΡΑΜΜΗ ΕΒΔΟΜΟΝ

Τυμπά, 12 Καλομινά, 1928.

Για κολεχτίβια εροτας κι αρτέλια αναφερτς,
για κάμασιν σιντροφιακον κι αδελφικον δουλίαν·
γι-ατιν επαλαλόθανε για σι ντο λες κι κσερτς
Νέπρε σιν κάμασιν κ εκα γίνετε σιντροφία;

Κολεχτίβια κε αρτέλια
για τα χόματα, τάρμπελια,
ατα κίνε για τ εμας.

Κσερτς ντο ίπεν ο ποπας; :

— Το πράμαν ντο κε πόρεσαν ν' εφταν ι Αποστολ
κε μύστροναν κε φύμιζαν κε κύπιζαν το στολ
κε κάποτε μυστιάουσιν για το φαιν κε μόνον,
θ εφτάν-ατο, κατι γελας, τα τέκνα τον δεμάρων!
Μέτα ο Σίμον, π έτονε πατέρας τ Εκκλησίας
κ εκίνος κ εταγιάνεπσεν κ επίκεν *σιμονίαν*,*)
κε σιν χορις πιστ κε θεον, χριστος κε παναγίας
σιν κάμασιν κε σο φαιν θ εφτάτεν σιντροφίαν.
Σιν γινέκαν, σο φαιν κε σιν κάμασιν κ εκα
σιντροφία πλαν κεκα

Ολ θα κρύτεν τα τσακούτσια, ολ θα κρύτεν τα μακέλια
κινα θάχετεν τα χτίνια, τα χοράφια κε τάρμπελια!
Θα δουλεθ με τιν γινέκαν έναν κ έναν κε ο μιζότερον!
Τεμον κε τεσον θα σκύτε κε θα εν τ εμέτερον!
Αρπαρ έναν, καζαν έναν, έναν θα εν κ ι σαχύλα!
Κατι στεκς πολόπο-μ τύλα!

Εσι τέρεν κε να είς

Νόντσον ποσ ίσε ρομέος ατα κίν για τι ρομέις.
Ατα ίνε για τ αργάτας, ατα ιν για τι χορετς,

*) Σιμονία όταν με χρήματα χιροτονιέτε ο παπας.

π αετς έζιζαν κε έρθαν κε θα πάνε αρ αετς.
Νέπρε, ολ όντες θα ίνε χορταζμεν κε αρχοντάδες
κε κανίς-ατυν ανάνκιν κι θα εςσ ασα παράδες
κε θα ζυν άμον εσέναν
κι ο εργάτες κι ο χορέτες κε ι εσιόρα έναν κ έναν,
πος εσι μιλιονέρος κι άρχοντας θα γίνεσε;
Κι νυνίς-ατο καμίαν, ι χορετ θ αφίνεσε;
να χτίς σπίτια κε κονάκια κ ι γινέκας θ επορι
τα κορδόνιατς, τα θραεσιάλια-τς, τα σταδρόπα-τς να φορι
κε να λάεεσκετε κιρία
σι γινέκς αναμεσόντας, κσάι νυνίς-ατο καμίαν;

Ι σιντροφία, άμον ντο λες, αν έτονε καλον,
ίναν τ ιστερνον σίντροφον θα ίεσεν κι ο θεον
κι ας έτον κε κοτςος.
Ακσομε μ ίεε ζαντος.
Κορδιλία τ υραδόπος
επσιλίαςεν ο τόπος.

ΓΡΑΜΜΗ ΟΓΔΟΟΝ

Τύμπα, 26 Καλομινά, 1929.

Εγρίκσα για το „Ζακς“ ντο λες,.....φοάσε γιαμ ι Σόνια,
πυ ίχες αστεφάνοτον ατυ δύο-ιμπε χρόνια
κε έεστιλες-ατεν αδα
το πεδιν να γενα.....

σιν εκάλαν τόμυ κ' έρχεσε πιάντσε ασιν γιακαν
κε „αλιμέντα“ πσαλαφα, για το πεδιν παραν..

Κ εφτάίσε ασο πυνχι-ς
κε χάντς κε τιν τιμι-ς...
Ελα, πυλιμ, μι φοάσε,
ίεε άγυρος κι χάσε....

Αστεφάνοτον γινέκαν κε παράνομα πεδία
κ' εγνωρίζι-ατα εκλιζία.

Αδα το „Ζακς“ σιν μόδαν κεν κι „αλιμέντ’“ κι κσέρνε,
αδακες όλια γίνυνταν με τ' εφχας τι ποπα.
Κι αν κατ σα κριφα χτίυνταν, πυ σο μειταν εβγένε,
άγυρουν άμον άγυρος, πάντα βγεν αποφια,
ι μάνα ι ανόνιγος ας κιφαλοπονα.
Μέτα, τα νόμπς, ντο ιν ατυ αν έσανε κι αδα,
θα έλεπαμ άμον ντο λεί κ' ι θία-ς ι Θιμιά
τι δουλάδες να κάθουνταν κε να τραβουν μιστα
κε να εφταν πεδία...

. . . αριστοκρατικά.....

Κε ιπουργο να γίνετε με το νόμον κιρία
ι Σόνια ι παραμάννα,
ι Πελαγία θυλεφτι κε Δεσποτ ι Χρισάνα.

„Κοπέλια“ ο νόμον κ' εγνωρίζ κε ι θρισκία κσάι
κ' ι γινέκα π' ελάθεπσεν „έκτροσιν“ αν κ' εφτάι
κε ασιν γιτονίαν-ατς μακρα αποβολιν,
γίνετε ατότε άτιμος, γιριζ' χορις τιμιν....

Τα „δρεφοδόχ’“ αδακες τι νίχταν αν γομύνταν,
για τιν τιμιν μικρι, τρανι, σκοτόνε κε σκοτύνταν.

Αετς ζόμε μισ σιν Τύμπαν, αετς ζόνε σιν Αθίναν

„Ζίσον κε μι χρυς σιν σσίναν“....

ΓΡΑΜΜΗ ΕΝΑΤΟΝ

Τύμπα, 15 Κερασινου, 1929.

Ασιν Δεσπινιν τι σσιόρας κι ασι Γιάνε τα πεδία,
έμαθαμε πως εκσκόθαν ατυχες τα ιερα·

κι ολ σα κόκινα εκέθαν κε γρεάδες κε πεδία
κ' ι θρισκία δέθαν κα,

Τα μιλέτια εταράαν ι εθρεί κε ι ρυζαντ
κ έναν κ ένανε εγένταν με τι τυρκς ι αρμεναντ.
Νια σταβρα, νια εκλσισίας, νια τσαμέδες, νια ναμαζ,
όλτς το κόκκινον εντόκεν τι Κομόνας το μαραζ.
Πίσον κ έλα σιν πατρίδαν άμον άγυρος να ζις
κε απαν κι αφκα ι γις.

Αδα εν τόπος για να ζις κε ν αποθαντς ακόμαν,
 ελέφτερον αδα ι γι κε λαφρον-εν το χόμαν.
 Νασαν εκίνον π αδα ζι να σαν κε π' αποθαν
 μα τον θ-εον τον ίναν κ εκίνος δεν κι χαν.
 Για ζις απαν-ιγισ, γι αφκα σο χόμαν κίσε,
 το ίδιον ελέφθερος έλενας πάντα ίσε.
 Αν ζις, ελεπς τυς έλενας κι αποφυσκός ολίον,
 αν αποθαντς σα μνίματα αφκα κιάλο καλίον.
 Απάνι-ς ιψιλα στράβρα κε μάρμαρα γραμένα,
 σο γιάνι-ς ολ χριστιανι, κορμιά μιρομένα....
 Πίσον κέλα, ασα Ρυζίας
 σκόθανε τα εβλογίας.

GRAMAN DERATON

Τύμπα, 25 Κερασίνου, 1929

Κι ατόρα, πυ ρα πράματα έρθεν ο Βενιζέλον,
τ Ελλάδας κσαν το μέλον,
λέγιατο κι „Πατρίδα“, τρανον κε φωτινον.

Ο Ζαχάρωφ με λίρας τον κόζμον θα γομον,
θα σκύτε ι δραχμι,
θα ζυν ι αρχοντάδες, θα ζύνε κ' εφτοσσι.
Θα πάμε στον Σανκάριον, σιν Ζμίρνιν κες θα πάμε
κε τον Πόντον τ εμέτερον κε τα στενα θ εφτάμε.
Κε ίσος για να σώζομε κσαν τιν ορθοδοξσίαν,
κρύομ' ατυ έναν κιφαλ πάμε σιν Υκρανίαν,

σιν Κριμέαν λανχέβομε για τιν πιστ τι Χριστ
κε τον Ζέρβον κσαν στίλομε δραχμας νάλαζ ατο.
Ατο ο Δεφτερτς εκσέριατο κε το ιςμαρ τ Ανκλίας...
Ελα, έρθεν ο Μεσίας
κε θ' ανίγυνταν δουλίας.

ΓΡΑΜΜΗ ΕΝΔΕΚΑΤΟΝ

Τύμπα, 15 Χορτοθερι, 1929

Θάρχεσε κε νυνίς-ατο, θάρχεζνε κε φοάζνε:
—Μικρον, λέτεν, Ελλάδα, βασίλιον φτοχον
τάνκύρια, κι, τα σκόρδα με τράμια αγοράζνε
κε τσίμιν τσίμιν πίνε σ' Αθήνας το νερον
κ' εκίνο με παράδες.

Ατα ας παν νυνίζνατα αργατ κε ι εσσοριάδες
κε ι πυγαλεμεν.

για τ εφτοχους κε τ οκσιπολτς, Ελλάδα, πυλιμ κ εν.
Αμαν για μας... παράδισος... Ολ ιν με τα κιλίας
πυ ίνε σα δουλίας.

Αμον βασιλιαντ κι αγάδες, ζόνε ρίζα-μ αδακες
ι „λίσσέντσι“ τίναν λέτεν κε ι „θρέτνι“ ατυκες.
Το βασίλιον, το κράτος εν αδα τι „Λισσενίας“
κ ι πατρίδα τι κιλίας.

Ελάτεν, κσάι μι στέκετεν, αμέλιαν μ' εφτάτεν.
Τι ζοις μι νυνίζετεν αλίσσθερις εφτάτεν.
αν θα μένε σα εσέρια-συν κάμποσα χιλιάδες,
αν κ εν... τα γένια αφίνετεν κε γίνεζνε ποπάδες.
—έναν εφσιν χριάσσκετε κε χίλια δραχμας,
με πεντακόσσια ο Τεμιρτςις εγέντονε ποπας —
για γίνεζνε χοτσάδες,
για γίνεζνε ψαλτάδες,

για σιν Βουλιν χορίεζνε κ εσιν πα βυλεφτάδες,
για σιν ΠΟΑΔΑΝ μπένετε για σιν ΠΡΟΣΦΙΓΙΚΙΝ
για χαφιέδες γίνεζνε κε ζίτεν με τιμιν!
Εκσερτε τον Ακριδόπουλον ατόρα χαφίες
σον Πιρεαν γιριζ·

σα ζσέρια δι τι κόκινους κε ζι άμον εφες,
κερδιζ κε ι „Πατρίδα“ κ εκίνος-πα κερδιζ.

Κι ο Παπαδόπουλον ατυ, πυ έτον ασο ΚΑ
απανκες σα χαρτία

κε ασο κόμαν έσιραν εκίνον οκςσο-κα

άμον χτινι κιλίαν,

εσέθεν σιν Οχράναν

δυλεθ με τον Φοντάναν

Εχι τρανον υπόλιπσιν κε ζι κι άμον αγας.

Κι άμον τον Παπαδόπουλον τι Χάμπυ ο πεδας

κε τι Πανίκα ο θιον

σα δίο χρόνια—τρία απες εγένταν με το θιον.

ΓΡΑΜΜΗ ΔΟΔΕΚΑΤΟΝ

Τύμπα, 25 Χορτοθερι, 1929,

Διαρμένεθα-σε κ έκυες, έλεγα.. οτιν κ εδίνες,
ντ εθέλνες σι επίνες.

Ατόρα έρθες σα ίμαρτα έρθες σεμα τ αγύλια
ασυ εχάσες ύλια,

τ αμπέλια τα χοράφια-ς τα χτίνιας, τα καπνα
κ επέμνες οκσιο κα.

Σι πολςσεδικς ανάμεσα θ εκέρδιζες παράδες,

σι πολςσεδικς ανάμεσα π εχάσανε τ αγάδες,

ς' ατυνους π εφοέθανε κε ι τρανι τ Ανκλίας

θ' επίνες σι δυλίας.

Ανάσπαλον ντ' επίρανε, ντ επέμναν κορδιλία
 κε να μι χαντς κι ατα,
 πίσον κε δέβα σιν Μοσχόαν, λάνκεπσον σιν πρεζβίαν
 κε στίλον-ατ' αδα.

Αμαν τέρεν μι κομπόσε κε κι περτς υπογραφιν
 κε παθαντς άμον τιν μάρσαν τι Πισστοφ τι Δεσπινιν,
 τυ εθύκοσεν τον πρέζβιν, όπος λεν, τ' αμανατόπα-τς
 κι απες πίγαν τ αμιακόπα-τς,
 κε τα νάβλατς πα απαν,
 ασιν πίσαν σο κατραν.

ГРАМАН ДЕКАТОН ТРИТОН

Τύρπια, 30 Χορτοθερι, 1929.

Το γράμα-μ πέρτς μεσιμερι, μεσιμερι δρομιαγ,
 ζον κιντιγιν αν πέρτς-ατο τι νίχταν μι αναμεντς,
 αν πέρτςατο μεσανιχτι με τάστρα ετιμαγ,
 κι αν πέρτςατο με τιν αθγιν τον ίλιον μι περμεντς.
 Κι ζκον το πράμαν νύνιγμαν κε αδιαφορίαν
 κ ιμπζον λεπτον αν άργιζες εχάθεν ι δυλία.
 Τι θυλεφτας όλτς έςτιλεν ζα πρόατα ο Δεφτέρτς
 κε ζι θυλις τιν πόρταν εντόκεν το κλιδιν,
 πίζον κε έλα γλίγορα θεσιν εσι να περτς
 ζο νέον το μαντριν.

Να γίνεσε το έθνος κε ρι διαλεχτος.

να τρον ι γιτονάδες, ι φιλ κ' εσι να τρος.

Ελα-δα όλ κατ εγένταν πυ ίχανε μακρέα τσέρια
κε επέρασαν σο κόμαν κ εταράαν σα τσφτέρια
τυ πατέρα τις φιλις.

Εν κερὸς ἀτόρα, ἔλα, ἄμον ἀγυρος νὰ ζῆς.

ΓΡΑΜΑΤΑ ΑΠΤΙΝ ΕΛΛΑΔΑ

I.

ΤΙ ΝΙΚΟΛΙ Τ ΑΡΧΟΝΤΣΟΓΛΙ

Πιρεας, 15 Χριστιαεναρι, 1929.

Σον Πιρεαν κατέβαμε, τα παπόρια ορμάνια,
άλα γομάτα πρόατα, αλ ανθρωπς, άλα ζα,
Ι εμπορ πάνε κ' έρχυνταν μ' έναν πυτ τα κερτάνια!
Ιδα τ εμπορτς κε έκλαψα θιμέθα τα παλια.
Θιμέθα ατυ ντο έσιρα, τα πάσσια-μ ντο ελίαν

τα χρίματα-μ ντ επίαν
κι όντες έχσα το „κίριος“ τα μέσαμ δέβαν-κα,
τα γόνατα-μ ετρόμαχσαν, τεντέλτσαν τα σσερόπαμ
κι άμον τσακυτς ερχίνεσεν ι κάρδια-μ να χτιπα
Αχ! πσέμαν κεν ι „κίριυ“ ποσ αδακες ορίζνε
κε τ οκσιπολτς κυλίζνε.

Τ αφτομοπίλια αδακες, ς Ερζινγιαν τα γαιδίρια,
θαρο εκίνα έσανε κι άλο λίγα εκι,
απες κιρίες όπος πρεπ, πετύνε θίρια θίρια
κ ι έμπορι ςο γιάν-ατυν κι ακσιοματικι.
Γελύνε λένε τραγοδυν κε πέζνε κε κιμύνταν
κανίναν κι φούνταν.

Τ οσπίτι-ατυν όπος προτυ ι αρχοντάδες έχνε
ι ζοι θραζ ι κίνισι, τ αλίσσβερισς αδα.

Λίρας εβγαλν ι σπεκυλιαντ κ ειιν πυ ανθρωπος έχνε
σα ιπυργία τι Λεφτερ σα πάνκας τα τρανα,
σα κσένα τ Ετερίας,

κε κιν πυ έχνε άμον τον Γιορ παντέμορφος κηρίας.

Κε συς εμπόρους εμπροστα άμον κάτας θρεγμένα
ι καικτσίδες, ι χαμαλ, αργατ χορις φονιν.

τερύνε τα αφεντικα με σσέρια σταθρομένα
κ' εκσίντα κατακλάνια εφταν για το πσομιν.

Ιδατς κ εδόκσασα τον θεο-μ κ' επίχα το σταθρόπο-μ
κ ισίχασεν το πςσόπο-μ

Αδα, πυλιμ, σοβέτια κιν, αδακες κ εν Ρυσία,
συς οκσιπόλτυς ομπροστα να κλίνε το κικαλ
κε να ορίζνε τι τσοπαν, τ' εργάτα τα πεδία,
αδ' ακόμαν καρίδια τσακον το καπιταλ.

Αδα τρομάζνε ι εργατ κ ειιν πυ κι τρομάζνε
τα φιλακας οριάζνε.

Ιδατς κ επεμελέτεσα κ ισίχασεν το πσιόπο-μ
κε φόρτοσα ίναν πρόσφιγαν για δίοιμπε δραχμας
τα κρεβάτιαμ-μ, τα στρόματα-μ κιαλ απαν το πεδόπο-μ.
ελάνκεπσεν απάν-ατ, κάτσειν άμον αγας.

Εφόρτοσα τον πρόσφιγαν τ ίδοτα, τα κρεβάτια-μ
κ επέρα τα μυράτια-μ.

Σιν στράταν σιτ επέγνα ίδα τον γιον τι θία-ς
με το μακελ σ ομίνα-τ, κσιπόλτον, περισσιαν,
εθάρεσεν ο μάθρον ο νόμον τι Ρυσίας
ς Αθίνας πα περαν.

Κι κσερ αδα ετσάλεπσαν τα πεδία τι χόρας
σογιώζια κι οχτο όρας

Εγνóρτσεμε κ' εσύμοσειν άμον θρεγμέντσα κάτα:
„Ερθες, εσί-πα, ίπεν, Νικόλα, να πινας

κε ς „άγια τα χόματα“ άμον ςσκίλος ςιν ςτράταν
με τ εμας να πρσφας“

Εγέλαςα κι απο μακρσ το ςςέρν-ατ-πα κε πέρα
φρέθα ςσιν φτίραν.

— Νέπρε, επίκα, κ' έρθα' γο χόματα να μαλάζο.
να κυβαλο λιθάρια το τσακντε να χτιπο.

Ερθα να κλόθο έργατα, να πυλο κι αγοράζο,
ν εμπένο ςα δουλίας κε έμπορος να ζο.

Εςι, εκςερτς τ εμπόρια ντ επίνα ςι Διαφύνταν,
απες ςιν Τραπεζύνταν.

Κι αδά-πα πρότα ο θεος τ ομυτόπα-μ κι χάνο
έμπορος κςαν θα γίνουμε, ιν ολ τ εμον γνοστι
ολίγα ςσιν περίθαλψιν κι ςσι φίλτς αχπάνο
ολίγα έφερα κ εγο κε τάλα ο θεος δι.

Κε ίςτερα ςον Πανυργιαν*) ντ έχο, τιμπςα να πέρο
καμίαν κ' ιποφέρο.

Εγέλαςεν κε έφιγεν, εγέλαςα κε πία'
τι μάνα κι αδα θέλνε αργατ να καλοζυν
κε αναςπάλνε πος αδα, τ Ελάδας τα πεδιά,
κε ι τρανι τ Ελάδας αίκα κι φισυν.

Κι γίνετε καμίαν βασίλιον τ εργάτι

ι χόρα τι Σοκράτι!!

Ι χόρα πυ εγένεςεν τιν Σπάρτιν κε τ Αθίνας,
τον Περικλιν ατότε κι ατόρα τον Λεφτερ,
ςι μπολςςεδικιδίον κι ςυζ ατε τα ςςίνας
κε τιν διχτατορίαν τ εργάτε κ ιποφερ.

Κ ίςτερα εν Ανκλία

κι ο Μυςολίνι αδακα κ ι φίλι-μας Γαλία....

*) Ο άλοτε κοντραπαντςις—πρέζβις τις Ελάδας μέσον
του οπίο πολι „ομογενις“ έςτιλαν το θιςαθρό τυς ςτιν „ Πατρίδα“

Τα πράματα διόρθωσα κι αμαν κι εκλίσσαν
„ποπά, ίπα, εβλόγισον, μέροςον υλυνος,
τιν πίστ-εμυν εχάσαμε, το μέρος κι Ρωσίαν
αςι μπολσεβίκους.

Ιξος το μέρος-ς βοιθα, ανάζμια-ς εβλογία-ς
κι εμπένο σα δουλίας“.

Κε ο ποπας εμίροσεν, κι ονταν τιν κινονίαν
εχούρτεσα, το τίμιον το σώμαν τι χριστου,
εθάρεσα, εκσάδερφε, γενέθα άλλο μίαν.
ενέσπαλα ντο έσιρα κι υπόφερα ατυ.

Μνιμόνεψα τ αποθαμεντς, λιτρώισα έναν, έναν.
ι κόρι-μ κι εφίκεν δεσποτ, ι νίφες-πα ποπαν.

Σόλτς ατιν εδεβάστανε, εδέβασαν κι εμέναν
κι ασα κερία χόρτασαν τ' αίς με το παραπαν.

Κε πίγα άμον άγυρος με θυλεφτας εκάτσα
έπα κονιακ με τ ιπυργυ τ εκσάδερφυ γαμπρον

τον Λεονίδαν*) ντο να γραφτ για τα σοβετ εμάτσα
κε σιν „Πατρис“**) σινέντεφκσιν δόχα χίλιον δραχμον.

Πίκα κε χασελυκόπον,
έξωσα κε τον τόπον.

Επίκα διαβίματα σόλια τα ιπυργία,

επίγα κε σιν „Σίνοδον“ ομίλισα κι εκι,

όλον το έθνος δορεαν να φέρνε ασιν Ρωσίαν,

αν θέλνε ολ ι έλινες να ιν χριστιανι.

κι ακόμαν όσα πρόατα κσέβαν ασιν σιραν

χτυπίζομ-ατ αδα.

Ελεγα γο κι ι δεσποταντ πιάναν τα σταθρά-τυν

κε έκυαν τα λόγιαμ άμον ακολουθίαν

για τ αλιμέντια ένκεθα κε εκσίυτον ι χρά-τυν

*) Ο περίφimos θυλεφτις Δέον ο Ποντικός.

**) Εφιμερίδα τις λοβιτύρας.

κε το Διμιτριάδος***) αν σκύσαν τα μαλία,
νύνιζεν προς τα ίδια εργατ αδ' αν εφτάνε
τα ράσα-τ πα θα πάνε.

Ανέφερα όλια προς ατυ γιρίζνε ι ποπάδες
κε ι χοτσάδες κ ι ραβιν προς έκλιναν τ' οτία·
ίπα, κ εσκόθαν σο ποδαρ ι άγι δεσποτάδες
κι ορκίσταν προς χριάσσετε νέον σταβροφορία
Σταβροφορία θα ιπι προς όλια τα θρισκίας,
τ αράπικον, τ εβρέικον, το χριστιανικον
θα κςίνε τα μιλέτια, τα έθνι σα Ρυσίας,
να φέρν' οπισ τον τσάρον, τιν πίστ κε τον θεον
κι ας εν κι ο Μυχαμετς
εχίνος-πα ατόρα γέντον ας εμετερτς.

***) Ο κσαχυζμένος για τις φυσικες κι αφίσικες σχέσεις-
του Δεσπότις τυ Βόλυ.

ни я по разработке
прогноза

Цена 5 коп.

ТІМІ 5 КАП.

43355